

Siunnersummut nassuaatit

Nassuaatit nalinginnaasut**1. Aallaqqasiat**

Namminersortutut ingerlatsinermi unammilleqatigiinnerup naammassisaqarsinnaassutsillu siuarsarneqarnissaat siunnersuummi siunertarineqarput. Anguniagaq tamanna Kalaallit Nunaata nunat tamalaat akornanni unammillersinnaassusaata annertusineratigut anguneqartariaqarpooq. Kiisalu niuernermi najoqqutassanik nutaanik ineriartortitsisoqarneratigut, ilaatigut aallarniisut nioqqutissaatiminnik tunisinissaminut pitsaanerusunik periarfissaqalererisigut. Sinaakkutissat nutaat ammanerullutillu eqaannerusut, atuisunut nuannaarutaasumik naggataatigullu naammassisqarsinnaassutsimut iluaquatasussamik inuussutissarsiorput akornanni unammilleqatigiinnermik annertunerulersitseqataasinnaassapput.

Taamaattumik inuussutissarsiummik ingerlataqarneq pillugu inatsimmi maleruagassat nutarterneqarlillu pisariillisarneqarnissaat siunnersuutigineqarput. Kalaallit Nunaanni inuussutissarsiummik ingerlataqartut inuussutissarsiummik suliaqarnermik ingerlataqartunut Kalaallit Nunaanni inatsisit naapertorlugit najugaqarnissaat pillugu piumasaqaat atorunnaarsinnejarpooq.

Oqariaaseq »niuerfik aalajangersimasumik inisisimaffeqartoq« inatsisip oqaasertaani peerneqarpooq, aammalu nioqqutissanut aalajangersimasunut ikittunut, suli piffissatigut sivisussusiliinissamik piumasaqaateqarnissamik pisariaqartitsiviusunut maleruagassamik ersarissumik taarserneqarluni. Tamanna ilutigalugu inuussutissarsiorfippassuarnut inatsisip atorunnaarsivinneranik tamanna isumaqarpooq, inatsisip atuuffia annertuumik killilerneqarmat, taamaalilluni nioqqutissat atugassat tunisarineqarneranut taamaallaat atorneqalerluni.

Nunatsinni niuerfiusumi ingerlatsinermik suliarisat pilersinnerinik oqilisaanissamik siunnersuut siunertaqarpooq, taamaalilluni nunami namminermi aamma nunat tamalaani inuussutissarsiutitigut suliaqarnermik nutaamik pilersitsisinnanerat kajungernarnerulersinniarneqarluni. Iluserisatigut nunatsinni niuerfippiami nunat tamalaani pilersitsinikkut inuussutissarsiorfippassuarni nunat tamalaani unammilleqatigiineq annertusiartortoq annertunerusumik atuutsilerneqarsinnaanissaanut siunnersuut ammaassaaq, suliarisanit taakkunanit Kalaallit Nunaanni akileraarusiisinnaanerup attanneqarnissaanik suliffeqartitsinissamillu periarfissaqassalluni.

Siunnersuut nunani allani ineriertornermut naapertuuppoq, inuiaqatigiinni siuarsaanerup annertusarnissaa siunertaralugu inuussutissarsiuutit nutaat suliaqartullu annertunerusumik aggersarnissaat aamma kissaatigineqarlutik.

Inuussutissarsiuteqarnermut inatsimmi maleruagassat atuuttut pisariaqartippaat inuussutissarsiutip ingerlannissaanut namminersuutigisamisut piumasaqaatinik naapertuutsitsisumik immikkoortortaqarfimmi pisortamik inissiisoqassasoq. Taamaattorli taanna pisut ilaanni ingerlatseqatigiiffimmut allakkanik tigooraasarfittut taamaallaat atuutissaaq, tamannalu Kalaallit Nunaannut aningaasaliissutaasunik nutaanik suliffeqarfinnillu aggersaanissamut tulluartuunngilaq. Tamanna Naalakkersuisut isumaat naapertorlugu Kalaallit Nunaanni nalinginnaasumik ineriertortoqarneranut kigaallassaasutut sunniuteqarsinnaavoq.

Kalaallit Nunaanni inuiaqatigiit inuussutissarsiorfiillu annertusiartorneri malillugit pisuni arlalinni immikkut ittumik ilisimasalinnik piffissami sivikitsumi suleqateqartarnissaq pisariaqartinneqartartussaavoq. Pisuni tamatumunnga immikkut ittunik maleruagassaqarfiunngitsuni ajornerpaamik pisoqarpat, inuussutissarsiummik ingerlataqarneq pillugu inatsimmi atuuttumi piumasaqaatitut aalajangersakkat suliassat taakkua suliarineqarsinnaannginnerat kingunerisussaavaa, pissutigalugu suliffeqarfiiit taakkua Kalaallit Nunaanni immikkoortortaqarfimmik pilersitsiniarnermi aammalu Danmarkimi Inuussutissarsiornermut aamma Ingerlatseqatigiiffinnut aqutsisoqarfimmi nalunaarsortinniarnerani pisariaqanngitsumik ajornartorsiortinnejqarsinnaammata.

Sinaakkutissat ammanerullutilu eqaannerusut aamma atuisunut nuannaarutaasumik naggataatigullu nioqqutissiornikkut naammassisqaqarsinnaassutsimut iluaqutaasussamik inuussutissarsiortut akornanni unammilleqatigiinnermik annertunerulersitseqataasinnaassapput. Suliffeqarfiiit akornanni tamakkiisuunngitsumik imaluunniit killilikamik unammillerneq inuiaqatigiinnut tunngatillugu tunngavigisaatigut atuisartut akinik qaffasissunik akiliisarnerannik isumaqarpoq, tamatumunnga pissutaalluni ilaatigut unammillersinnaassutsiminik sakkortusaajuarsinnaanermut sunniuteqarsinnaanermullu suliffeqarfinnut ataasiakkaanut tamaviaartitsisoqannginnejq, ilaatigullu inuussutissarsiorfimmi annertuumik iluanaarfiusumut niuffaffimmik sunniuteqarluartutut atuuttumut tunngatillugu. Inisisimaffimmi tassani siunnersuut ippoq, nunani arlalinni allani assingusunik nutarsaanernut malitseqarlni.

Taamaattumik nioqqutissat aalaakkaasumik niuerfimmit tunisarinissaat pillugu inuussutissarsiuteqarnermut inatsimmi maleruagassat atorunnaarsinnissaat siunnersuutigineqarpoq, taamaalilluni tamatumunnga piumasaqaataasoq nioqqutissanut eqimattanut ikittuaraannannguanut attanneqassalluni. Aammattaaq niuerfinnik peqqissunik, unammillerfiusunik pinngortitsiartornermut nunanit aningaasaliinerit suliaqarnerillu

aggersaanissamut ilusilersugarisatut sinaakkutit pitsaasut nalinginnaasumik iluaqutasussatut isigineqartariaqarput. Inuussutissarsiutit arlallit ullumikkut ikingaatsiartunik aalaakkaangaatsiartunillu suliaqartortaqaqarput, tamannalu sunniuteqarluartumik unammilleqatigiinnissamut tunngavigisanik sanngiillisaavoq.

Tunisinerup aalaakkaasumik niuerfiusumik aallaaviatigut pisasanera pillugu piumasaqaataasup atorunnaarsinnissa pillugu siunnersuutikkut aaqqissuussaasut nuannarineqartut, ullumikkut aalajangersimasumik annertussuseqartutut pisareersut inuussutissarsiuteqarnermut inatsisip sinaakkutaasa iluini pisinnaassapput. Taamaalilluni inatsisisstatut siunnersuut annikinnerusumik aallarniinissamut aningaasanik pisariaqartitsiffeqartutut aallartisaanermik tapersersuisinnaassaaq, ilaatigut toqqortarisanik tunisisinnaalersilluni, nioqquitissat eqimattat assigiinngitsut tunisarineri niuerfennit ”ataavartumik tuniniaasarfennit” pisussaaneri pillugit inatsisip atuuttup piumasaqaataanut naapertuutsinngitsunit pisinnaalissallutik.

Aammattaaq ”home-parties”-inik taaneqartartut, tassalu nioqquitissanik aalajangersimasunik takutitsilluni tamatumalu kingorna tuniniaalluni aaqqissuussinerit, takutitsinerit imaluunniit tuniniaanerit nammineq angerlarsimaffimmi inunnut aalajangersimasunut killeqartunut ingerlanneqarajuttut ammaanneqassapput. Tassunga assingusumik tuniniaaneq utoqqaat illuini, sullissivinni, suliffeqarfanni, timersortartut klubbiini assigisaannilu ingerlanneqarsinnaavoq.

Atugassanik nioqquteqartup kiuneranik atuisartut ilisimasaqarnissaannik qulakkeeriniarluni piginnittup IIN-normuanik, aqqanik najugaanillu erseqqissumik allagartaliisoqartassasoq siunnersuutigineqarpoq. Tamannalu atuutissaaq tuniniaasarfimmit ataavartumit avataanilu tunisinermi. Taamaalillutik piginnittup pillugit atuisartut pisariunngitsumik paasissutissanik pissarsiorsinnaassapput, tassungalu maalaarutaasinnaasumik saaffiginnissuteqarsinnaassallutik.

Nunatsinni inatsisaasunut ilaasunik nittartakkanit atugassanik tunisinerni qarasaasiakkut attaveqarfissanut paasissutissat ilisimatitsissutiginissaat pillugit aamma piumasaqaateqartoqarpoq, taamaalilluni atuisartup saaffiginnissinnaallunilu pisinnaatitaaffiminik atuutsitsisinnaassammat.

Inatsisit atuuttut malillugit nioqquitissat aallaaviatigut taamaallaat ataavartumik tuniniaasarfennit tunineqarsinnaassapput, tassalu nalinginnaasumik pisiniarfimmit. Ataavartumik tuniniaasarfittut inuussutissarsiuteqarnermut inatsimmi »ataavartumik tuniniaasarfittut« nassuiarneqarput.

Peqatigisaanik inuussutissarsiummik ingerlataqarneq pillugu inatsimmi nalinginnaasumik maleruagassat pisariillisarneqarput, pissutigalugu aalajangersakkat arlallit inatsisini allani immikkut maleruagassaqartinneqartut imaluunniit inuussutissarsiummik ingerlataqarneq pillugu inatsisip atuuffissariligaasa avataaniittut atorunnaarsinneqarlutik.

Inuussutissarsiornikkut suliassanut assigiinngisitaariartuinnartunut, eqiternerujartuinnartunut immikkullu ingerlatsiviunruinnartunut pingarnertut illuaqqajaasoqalersoqartoq paasineqartariaqarpoq, tamannalu nalinginnaasumik inatsisikkut ataasiinnakkut inuussutissarsiummik ingerlatsinermut pilersitsinermut piumasaqaataasunut inatsisilersugarinissaat ajornakusoortippai. Inuussutissarsiortfiit assigiinngitsut inatsisiliornermut tunngasutigut assigiinngitsupilussuarnik pisariaqartitsipput, ilaatigut sunik suliaqarneri, niuerfinni ataasiakkaani unammillerfinni pissutsit, aammalu atuisartunik toqqaannartumik attaveqarneri apeqquataallutik.

Sassaalliisarfitt aamma neriniartarfitt immikkut maleruagassanik arlalinnik maleruassiorfiupput, ilanngullugit ininik akuersisarneq, imigassamik nioqquteqarnissamik sassaallernissamillu akuersissuteqartarneq, nakkutilliineq ilaalu ilanngullugit. Inuussutissarsiutit allat, soorlu aalisarneq, piniarneq, aatsitassarsiornermik ingerlataqarneq, erngup nukinganik atorluaaneq, ilaasunik angallassineq, taxaateqarneq, kukkunersiusut suliffeqarfifit aamma eqqartuussissuserisut il. il. taamatuttaaq inatsisini immikkuullarissuni maleruagassaqartinneqarput, taamaattumillu inuussutissarsiutinut taakkununnga nalinginnaasumik maleruagassioqqinnissaq pisariaqartinneqanntsoq isumaqarfingineqarluni. Illunik nioqquteqarnermut tunngatillugu aalajangersimasumik tuniniaasarfeqarnissaq pillugu piumasaqaat atuisartut illersornissaannut tunngatillugu killeqartumik iluaqutaavoq, allaallu pisuusaarnertut taaneqarsinnaangajalluni. Inatsisilerinerimi siunnersuisarneq inatsisilerituuinnarnut tungasuunngimmat illunik nioqquteqartut allagaatinik suliaqarsinnaannginnerannik piumasaqaat imminermini qanga pissusitoqqanut unittoorneruvoq.

Kiisalu siunnersummi siunertaavoq aatsitassanut ikummatisanullu inatsimmi kalaallit suliffeqarfiiisa salliutinnejarnissaat pillugu aalajangersakkanik saneqqutsiniartoqartarnerata pinngitsoortinniarnissaa, innersuullugu inuussutissarsiornermut inatsimmi aalajangersakkat naammassineqarnissaat, ingerlatseqatigiiffit nunani allamiut immikkoortortaqarsinnaanerat naammassiumanerarlugu aaqqissuussiniartarnerni, inuussutissarsiornissamut piumasaqaataasut innersuullugit. Apeqqu tamanna oqaluuserisassani UKA2011/34-mi aappassaaneerinninermi Inuussutissarsiuteqarnermut Ataatsimiititaliap isumaliutissiissutaani oqaluuserineqarpoq.

2. Siunnersuutip immikkoortui pingaernerit

Siunnersuutip atuutilernerani inuussutissarsiummik ingerlataqarneq pillugu inatsimmi maleruagassat pisariinnerulissapput, tamatumani aamma aalajangersakkaniktorunnaarsitsineq atuuffiusussap annertuumik annikillineqarneratigut.

Atuisartunik illersuinerup isiginiarneqarnissaa, kiisalu pisortat nalunaarsuinissanik pisariaqartitsinerisa akileraarutinit isertitassat eqqarsaatigalugit isumannaarneqarnissaat nakkutilliinerlu tamatumunnga atasoq ilanggullugu, nalilerneqarput inatsisini allani isumannaarneqarsimasut.

Atuuffia

Siunnersuutip atuuffissaa siunissami taamaallaat nioqqutissanik annikitsukkuutaanik tuniniaanermut atortuusussanngorlugu killilerneqarpoq.

Inuussutissarsiummik ingerlataqarnermut inatsisip atuuffissaata taamaallaat namminersorluni inuussutissarsiummik ingerlataqarnermi nioqqutissanik anikitsukkuutaartunik tuniniaanermut atuuttussanngorlugu siunnersuutigineqarnerani inuussutissarsiummik ingerlataqarneq pillugu inatsisimmi aalajangersakkat arlallit pisariaarupput. Aalajangersakkat allat pisariaarupput, pissutigalugu pissutsit inatsisini allani maleruagassaqartineqareermata, imaluunniit taakkunani annertunerusumik inatsisilersugaasariaqarmata.

Inunnut tunngatillugu

Maannakkut inuussutissarsiummik ingerlataqarnermut inatsisip atuuttoq malillugu inunnut namminermut tunngatillugu piumasaqaataagaluarpoq taakkua danskisut innuttaassuseqartuussasut imaluunniit atuuttumik Kalaallit Nunaanniinnissamut Kalaallillu Nunaanni sulinissamut akuersissummik peqassasut, kiisalu Kalaallit Nunaanni najugaqartuussasut. Internettikkut niuernissamik aammalu allatisinikkut tuniniaanissamik sukkasuumik annertusiartortumik periarfissaqarnermi piumasaqaatit taamaattut isumaarupput. Tamatumalu saniatigut inuit inatsisit unioqqutillugit najugartut, nalinginnaasumik nunani allamiunut malittarisassat atuuttut naapertorlugit atorunnaarsitsineremi suli Kalaallit Nunaanni ingerlatsilersinnaassanngillat. Sulisinnaanermut akuersissuteqartoqarnissaanut piumasaqaat, nunami allamiutut namminerluni inuussutissarsiummik ingerlatsisinnaanissamut, aqunneqarput inuussutissarsiummik ingerlataqarneq pillugu inatsimmi aalajangersakkaniktorunnaarsitsinikkut, inatsisit tamatumunnga atuuttut naapertorlugit, takuuk tassunga immikkut ittutut peqqussut nr. 150, 23. februar 2001-imeersumi §§ 13-15.

Taamatuttaaq piumasaqaataasimavoq inuinnaat IIN-imi nalunaarsorsimassasut. Piumasaqaat inuussutissarsiuteqarnermut inatsimmiittussaanngilaq, piumasaqaat Inuussutissarsiummik ingerlataqartunik Nalunaarsuiffik pillugu Inatsisartut inatsisaanneereernera pissutigalugu.

Inatsisit naapertorlugit inuk pineqartillugu

Inuussutissarsiummik ingerlataqarneq pillugu inatsimmi maanna atuuttumi piumasaqaataavoq inuussutissarsiummik ingerlatsisuuusooq, inatsisit naapertorlugit inuk ingerlatseqatigiiffittut Kalaallit Nunaanni angerlarsimaffeqassasoq, kiisalu ingerlatseqatigiiffiup aqtsisuini amerlanerusut Kalaallit Nunaanni najugaqassasut. Nunarsuarmioqatigiit suliffeqarfissuisa immikkoortortaat - filialit – taamaattoq ingerlanneqarsinnaapput, tamanna nunarsuarmioqatigiit isumaqatigiissutaanni imaluunniit Inatsisartut inatsisaasigut maleruagassiorneqarsimappat. Inunnut namminermut tunngatillugu pissutsit assigalugit ingerlatseqatigiiffiit aamma nunanit allamiut ingerlatseqatigiiffiinut immikkoortortat Kalaallit Nunaanni inuussutissarsiummik ingerlataqarsinnaatitaanerat pillugu immikkut malerugassaqarnissaq pisariaqartinneqanngilaq. Suliffeqarfiiit sumi angerlarsimaffeqarneranut sanilliullugu aalajangiisusuariaqarpoq inuussutissarsiutit ingerlanneqartut Kalaallit Nunaanni pinerat. Inunnut namminernut pisunisulli Inuussutissarsiummik Ingerlataqartunik Nalunaarsuiffik pillugu Inatsisartut inatsisaat malillugu IIN-imut nalunaaruteqarnissaq pillugu nalinginnaasumik piumasaqaat malittarisassaareeropoq.

Inuussutissarsiummik ingerlataqarneq pillugu inatsimmi piumasaqaataasut atuuttut ullutsinnut naleqqutinngillat, pisullu ilaanni akornusersuisinnaallutik, aningaasaliisussanik inuussutissarsiutinillu nutaanik Kalaallit Nunaannut soqtiginnilersitsiniarnermi. Minnerunngitsumik sanaartugassani sivikitsumik ingerlanneqartussani, kisiannili aamma suliffeqarfinnik nunatsinni najugaqalersitsiniarnerni. Nalinginnaasumik suliffeqarfimmik pilersitsisinnaanermut ingerlatsisinnaanermullu killersuisoqartariaqanngilaq, nalinginnaasumik aalajangersakkat nunani allamiunut, illersuisussatut siunnerfiusut aamma ingerlatseqatigiiffinnut tunngasumik inatsisit atuuttut saniatigut. Immikkut ittutigut pilersitsinernut tunngatillugu piumasaqaateqartoqassappat, taamaattut immikkut ittumik inatsisitigut inuussutissarsiummut pineqartumut sammititaasutigut aaqqissuunneqartariaqarput.

Niuerfik aalajangersimasumik sumiiffeqartoq

Atuisunik illersuineq assersuutigalugu paassisutissiisussaatitaanikkut, peqqissimisinjaatitaanikkut aammalu maalaaruteqarsinnaatitaanikkut, ullumikkut inatsisini allani isumannaarneqareeropoq. Taamaattorli inuussutissarsiummik ingerlataqarneq pillugu inatsimmi tuniniaasup IIN-imi normua, aqqa najugaalu ersarissumik allallugit tamatigut allagartaliisarnissaq pillugu piumasaqaat aalajangersarneqassaaq. Taamaalillutik atuisut piginnittumut maalaaruteqassagunik saaffiginnissinnaassapput. Nittartakkanit tunisinerni qarasaasiakkut attaveqarfittut paassisutissat pillugit nutaamik piumasaqaataasoq ilanngunneqarpoq, tamatumalu avataanit tunisinermi atuisartut pisinnaatitaaffimmennik atuutitsilersinjaanerat qulakkiissavaa.

Erseqqissaatigineqassaaq niuerfik aalajangersimasumik sumiiffeqartoq pillugu oqariaaseq suliffeqarfii suussusaannut amerlanernut tunngatillugu inuussutissarsiummik ingerlataqarneq pillugu inatsimmi atorunnaarsinnejqaraluartoq, inatsisini allani suli maleruagassaqarsinnaammat tuniniaanerit aalajangersimasut sumiiffimmi aalajangersimasumi pisinnaanissaannut killiliisunik.

Nioqqutissat aalajangersimasut akitsuuteqartitaasut nakkutiginninnissaq peqqinnissarlu eqqarsaatigalugit pisariillisaanermi ilaatinneqanngillat. Tupanik nioqqutissianik imigassanik 1,21 procentimik annertunermillu aalakoornartortalinnik, imeruersaatinik, tipigissaatinik pinnersaatinillu, kiisalu sukkulaatinik sukkunillu nioqqutissianik tuniniaaneq aamma siunissami taamaallaat tuniniaasarfinnit ataatsimut katillugu piffissami minnerpaamik qaammatinik sisamanik sivisussusilimmi minnerpaamik sapaatip akunnerani ataasiarluni tuniniaaviusartunit ingerlanneqarsinnaavoq. Taakkununnga aamma ilaavoq nittartakkanit tuniniaasарneq, ataatsimut katillugu piffissami ukiumut minnerpaamik qaammatini sisamani sivisussusilimmi minnerpaamik sapaatip akunneranut ataasiarluni inuussutissarsiummik ingerlataqartoq nioqqutissianik neqerooruteqartarnissaq tunngavigalugu. Nioqqutissat pineqartut tunisarinerisa aallartinneranni piumasaqaammik naapertuutitsiniassaguni inuussutissarsiummik ingerlataqartoq tunitsivigisamit nioqqutit minnerpaamik qaammatini sisamanik sapaatip akunneranut ataasiarluni tunisarisarnissaannik siunertaqassaaq. Maleruagassanut taakkununnga nakkutilliisartutut oqartussaasoq tassaavoq Akileraartarnermut aqtsisoqarfik, taamaaliornissaminut eqqartuussivimmit pisinnaatitsisummik peqarani tunitsivinnut toqqorsivinnullu attaveqarsinnaasoq. Tamanna tassaavoq nakkutilliinissamut pisussaaffimmik ingerlatitseqqinneaq, maannakkut inuussutissarsiummik ingerlataqarnermut inatsimmi § 28-mi politiinut pisussaaffiutinneqartoq.

Inatsisartut inatsisaat naapertorlugu nioqqutissianik tuniniaanerni, saqqummersitsivinni imaluunniit niuerfinni, aaqqissuussisup allassimaffik suliarissavaa, inuussutissarsiortut atiinik, najugaannik aamma IIN normuannik imaqartoq. Aaqqissuisup akisussaaffigaa allassimaffiup pigineqarnissaa. Allassimaffik pisortanit piumaneqarpal tunniunneqassaaq.

Inuussutissarsiummik ingerlataqarneq pillugu inatsimmi niuerfimmik aalajangersimasumik sumiiffilimmik peqarnissamik piumasaqaatip atorunnaarsinnejqarnerani, inatsisini allani aalajangersakkamik pineqartumik allannguinissaq siunertarineqanngilaq. Sumiiffinni tuniniaavissatut aaqqissuussani ataavartussaanngitsuni tuniniaaneq taamaalilluni, atuisunut isumaqtigiissutit aalajangersimasut pillugit inatsimmi maleruagassani immikkut ittuni pineqartunut ilaatinneqaannassapput. Taamaalillutik aalajangersakkamik atorunnaarsitsinikkut sioqqutsisumik akuersissuteqaratik inuussutissarsiummik ingerlataqartut atuisartut angerlarsimaffianni akornusersorsinnaanngilaat, taamatut

nalunaarutigeqqaanngisatut illut isaariaanni tunisinerit atuisartunik isumaqatigiissutit ilaat pillugit inatsimmi § 6 malillugu inerteqquataammata.

Nierfimmik aalajangersimasumik sumiiffilimmik peqarnissamik piumasaqaat atorunnaarsinnejarmat, taamaalluni nioqqutissat arlallit niuerfiup aalajangersimasumik sumiiffillip avataani tuniniarneqarsinnaasimasut agguanneqartarnerat pillugu immikkut maledruagassaqarnissaq pissutissaaruppoq.

Akunnittarfii aamma neriniartarfii

Akunnittarfik aamma neriniartarfik pissusissamisoortumik niuerfimmit aalajangersimasumit sumiiffilimmik pingaartumik ingerlanneqartarput. Suliassaqarfii taakkua pillugit inuussutissarsiummik ingerlataqarneq pillugu inatsimmi immikkut maledruagassaqarnissaq pisariaqartinnejaneqanngilaq.

Imigassamik aalakoornartortalimmik nioqquteqarnissamut sassaallernissamullu akuersisummik peqarnissaq sassaallertarfinnut atuuppoq, taakkununngalu atasunik ilaatigut init akuerineqarnissaat, nakkutilliineq misissuisarnerlu pillugit arlalinnik atugassarititaasunik aalajangersaasoqartarpoq. Neriniartarfinnut tunngatillugu pingaartumik eqqiluisaarnerup aammalu nerisassat peqqinnartuunerisa misissorneqartarnerat inatsimmi allami isumagineqarpoq.

Init akuersissuteqarfigineqartarnerat, kiisalu nerisassat suliarineqartarnerisa uninngasuutigineqartarnerisalu nakkutigineqarnerat misissorneqartarnerilu, suliassaqarfinnut taakkununnga tunngatillugu naammattumik maledruagassaqartinnejqarsorinarp. Tamatumunnga tunngatillugu maledruagassat inuussutissarsiummik ingerlataqarneq pillugu inatsimmiittussaanngillat.

Akitsorterussinikkut tuniniaasartut aamma aningaasanik nalilinnik nioqquteqartut

Maledruagassat nalinginnaasut, kiisalu suliffeqarfii aningaasaqarnermut tunngasunik ingerlataqartut pillugit inatsisit malinneqarnissaat eqqaassanngikkaanni inuussutissarsiutinut taakkununnga immikkut maledruagassaqarnissaq pissutissaqanngitsutut isigineqarpoq.

Inuussutissarsiummik ingerlataqarnissamut allagartaq

Inuussutissarsiummik ingerlataqarnissamut allagartaqarnissamik piumasaqaat siunnersummi matumani inaarutaasumik atorunnaarsinnejarpooq. Taamaattorli piumasaqaataasut tamakku atorunnaarsinnissaasa tungaannut inatsisaasuni najoqqutassani allani tamatumunnga piumasaqaatit qanoq paasineqarnissaat pillugit ikaarsaariarnermut maledruagassat ilanngunneqassapput.

Inuussutissarsiutinut immikkuullarissunut akuersissut imaluunniit akuersissuteqarneq, inatsit immikkoortumut tunngasoq malillugu tunniunneqartassappat pitsaanerussaaq, taamaalilluni atugassaritaasussat suliassaqarfimmut siunnerfeqartinneqassammata.

3. Pisortanut aningaasaqarnikkut allaffissornikkullu kingunerisassai

Inuussutissarsiummik ingerlataqarnissamut allagartaq siunnersuutip atuutilernerani atorunnaarsinneqartussaammat, inuussutissarsiummik ingerlataqarnissamut allagartamik tunniussinermut atatillugu allaffisornermi sipaaruteqartoqassaaq. Kisiannili suleriaaseq eqqarsaatigalugu paasineqarpoq ullumikkut inuussutissarsiummik ingerlataqarnissamut allagartanik qaqutiguinnaq tunniussisoqartartoq, soorlulusooq tamatumunnga akitsuutit akiliutigisinnissaannut najoqqutassamik aalajangersaasoqarluni. Taamaattumik allaffissornikkut sipaarutigineqavittussat annikitsuinnaassasut naatsorsuutigineqartariaqarpoq.

Akileraartarnermut Aqutsisoqarfiup nakkutilliinissamut pisussaaffigisaa nioqqutissanut akitsuuteqartussaatitaareersunut tunngasuummat, taakkualu suli aalajangersimasumik niuerfimmit niuerutigineqartartussaammat, nakkutilliisussaatitaanermut pisussaaffiup aningaasaqarnikkut annertunerusumik kinguneqarnissaa naatsorsuutigineqanngilaq. Tamanna aamma atuuppoq Atuisartunut Unammilleqatigiinnermullu Aqutsisoqarfimmut, nakkutilliineq taanna annikinnerulerlertussaammat, nioqqutissanik pilerisaarutigineqartussanik atuisartunut inatsimmi aalajangersakkat naapertorlugit annikillisussaammat.

4. Inuussutissarsiortunut il.il. aningaasaqarnikkut allaffissornikkullu kingunerisassai

Siunnersuutip inuussutissarsiortfinni arlalinni annertusisamik unammillernikkut nassataqarsinnaanera nalilerneqarpoq, tamannalu nutaaliornermut aningaasartuutinik annertusaasinnaallunilu tunisassiorermik pitsangorsaasinnaavoq, kiisalu niuffaffinni ammanerusuni nukittunerusumik akitigut unammillernerup nassatarisaanik suliffeqarfifit isertitaannik annikillisaasinnaalluni.

Nierfimmik aalajangersimasumik sumiiffilimmik peqarnissamik piumasaqaatip atorunnaarsinneqarnerata kingunerisaanik nioqqutissat amerlanerusut toqqorsivinnit sivikitsumik tuniniaaviusunit, niuertarfeeqqanit, qamutinit assigisaannillu tuniniarneqarsinnaalissapput. Tamatuma aallarnisaasarneq, kiisalu nutaaliornluni niuerermik aaqqissuussinerit siuarsartussaavai. Peqatigisaanik atuisunut iluaqutaasumik niuerermik ingerlatsisut akornanni unammilleqatigiinneq pitsangorsarneqassaaq.

Suleriaatsinik pisariillisaaneq niuerfinnut, saqqummersitsivinnut il.il. atatillugu inuussutissarsiornermut iluaqutaassaaq.

5. Allaffissornikkut innuttaasunut kingunerisassai

Siunnersuut innuttaasunut aqutsisoqarnikkut sunniuteqassangatinneqanngilaq.

6. Avatangiisinut pinngortitamullu kingunerisassai

Siunnersuut avatangiisinut pinngortitamullu sunniuteqassangatinneqanngilaq.

7. Naalagaaffeqatigiinnermut aamma namminersornermut attaveqarnerit

Siunnersuut Naalagaaffeqatigiinnerup aamma Namminersorlutik Oqartussat akornani pissutsinut sunniuteqartussatut naatsorsuutigineqanngilaq.

8. Pisortani oqartussanut aamma kattuffinnut il.il. tusarniaaneq

Siunnersuut piffissami maajip 29.-annit 1. juli 2015-imut makkunani tusarniaassutigineqarpoq:

Namminersorlutik Oqartussat Naalakkersuisoqarfii, KANUKOKA, Kalaallit Nunaanni Politimestereqarfik, Kalaallit Nunaanni Eqqartuussisuuneq, Kalaallit Nunaanni Eqqartuussivik, Naalagaaffiup Sinniisoqarfia, Kalaallit Nunaanni Sulisitsisut Peqatigiiffiat, SIK, Qeqqata Kommunia, Kommune Kujalleq, Qaasuitsup Kommunia aamma Kommuneqarfik Sermersooq.

Siunnersuut aamma Namminersorlutik Oqartussani tusarniaassutinut nittartakkami tamanut ammasumik tusarniaassutaasimavoq.

Makkunanit tusarniaanermut akissutinik tigusaqartoqarpoq:

Peqqissutsimut Naalakkersuisoqarfik, Kalaallit Nunaanni Politimestereqarfik, SIK, Kalaallit Nunaanni Sulisitsisut Peqatigiiffiat, KANUKOKA, Qeqqata Kommunia aamma Kommune Kujalleq.

Tulliuttumi tusarniaanermut akissutit, aammalu tusarniaanerup nalaani allannguutissatut siunnersuutit takkussimasut sammineqarput. Akissutit naqinnernik *uingasunik* nalunaarsukkat taamaallaat pingaarnersiuilluni naliliineq tunngavigalugu issuarneqarneri saqqummiunneqassapput.

Tusarniaanermut akissutit tamarmik tamarmiutillugit ilanngullugit Inatsisartuni suliarinnittutut ataatsimiitsitaliamut nassiunneqarput.

Peqqissutsimut Naalakkersuisoqarfik inatsisisatut siunnersuummut oqaaseqaateqanngilaq, Inuussutissarsiummik ingerlataqarnermut inatsimmi paasineqartutut inuussutissarsiummik ingerlataqarneq pillugu oqaaserisaasumut Imigassanik aalakoornartortalinnik nioqquteqartarneq sassaallertarnerlu pillugit Inatsisartut inatsisaannut naleqqiullugu piffissap ilaanut akuersissutit ilaatitaassannginnerannik Naalakkersuisoqarfik tunngaveqartitsimmat.

Inatsit malillugu inuussutissarsiummik ingerlataqarnermik oqaaserisaasumiippoq inuussutissarsiummik ingerlataqarneq sunaluunniit. Inuussutissarsiornermik ingerlataqassaguni suliffeqarfik toqqaannartumik imaluunniit toqqaannartuunngitsumik aningaasaqarnikkut iluaquteqarnissamik anguniagaqassaaq. Assersuutigalugit tassaasinnaapput namminersorluni imaluunniit peqatigiiffinni aaqqissuussinerit, Inuussutissarsiummik ingerlataqarnermut inatsimmi paasineqartutut inuussutissarsiummik ingerlataqarneq pillugu oqaaserisaasumut imigassanik aalakoornartortalinnik nioqquqteqarnermut sassaallinerullu piffissap ilaanut akuersissutinik nalunaaruteqarsimaneq ilaassanani.

Inatsimmi § 3-p atortinneqarneranik nakkutiginninneq Akileraartarnermut Aqutsisoqarfimmit isumagineqartussaanera Kalaallit Nunaanni Politimestereqarfip taperserpaa. Tamatumana saniatigut Kalaallit Nunaanni Politimestereqarfik siunnersuummut oqaaseqaateqanngilaq.

Kalaallit Nunaanni Sulisitsisut Peqatigiiffiata (Sulisitsisut) nioqquqtiisanik nalinginnarnik pisiniarfiit taamaallaat pinnagit inuussutissarsiutinut tamanut Inuussutissarsiummik ingerlataqarnermut inatsit atorunnaarsinneqassappat nunatsinni inuussutissarsiornermut nalorninartorsiortitsilersinnaasutut isigaa. Siusinnerusukkut tusarniaanermut akissut 13. juli 2012-imeersoq Sulisitsisut innersuuppaat, taanna UKA2012/111-itut oqaluuserisassatut saqqummiunneqartumut inuussutissarsiummik ingerlataqarneq pillugu Inatsisartut inatsisissaattut siunnersuummut tusarniaanermi akissutaasimavoq.

UKA2012/111-mi oqaluuserisassatut Inatsisartut inatsisissaattut siunnersuut UKA 2012-imini siullermeerneqarpoq. Aappassaaneerlugulu pingajussaaneernera UPA2013-imut kinguartinneqarpoq. Siunnersuutip aappassaaneernera sioqqullugu qinersisoqarmat siunnersuut atorunnaarpooq.

Inatsisartut inatsisissaattut siunnersuut Naalakkersuisut inuussutissarsiorfimmi inatsisaasunik nutarsaaniarlutik suliaasa sinnerinut ataqtigiiillugu isigineqassaaq, tamatumuna sakkortusisamik unammillertoqarnissaanut sinaakkutissat pilersinneqassammata, atuisartunut sulinermillu inuussutissarsiuteqartunut akit appasinnerusut iluaqutaasussat pilersinneqassammata.

Inuussutissarsiorneq pillugu inatsit atuuttoq ersarissumik inuussutissarsiutinik illersuiniarnermik imaqarpoq, taamaallaallu inuussutissarsiutinik aaqqissuussinermik unittoorsimasumik aalajangiusimannititsilluni. Inuaqtiginni unammillertoqannginnera isumaqarpoq atuisartut nalinginnaasut nioqquqtiisanut ulluinnarsiuutut kiffartuussinernullu annertuvallaamik akiliuteqartarnerat.

Unammillernerup sakkortusisap inuussutissarsiornermi atugassarititaasut pitsasut aqutissiuusseqataaffigissavai, suliffeqarfiillu nutaat qammarneqarsinnaanerannut iluaqutaasinjaalluni, taamalu aamma nunami maani suliffeqarfinnik aallartitsiniartut pitsaanerusunik atugassartitseqataaffigissallugit. Sumiiffinni nammineq peqataaneq aallaaveqarnerlu pisariaqartuassapput, nunatsinni niuerfiup ineriartortup malinnaaffiginissaanut, taamalu niuernermi periarfissanik iluaquteqaqataanissamut periarfissiissallutik. Inuussutissarsiorneq pillugu inatsisissatut siunnersuut kalaallit suliffeqarfisa sallunissamut unammillernissamullu periarfissaannik arsaarinninnaviangilaq, tamanna najukkami peqataanermik tunngaveqarmat.

Nunatsinni inuussutissarsiornerup najukkami suliffinnik ilinniarfinnillu pilersitsisinjaanissaannut inuussutissarsiummik ingerlataqarnermut inatsit sapinngisamik pitsaanerpaanik sinaakkutissanik pilersitsisinjaasoq Sulisitsisut isumaqarput.

Kalaallit Nunaanni inuussutissarsiummik sularisamik ingerlatsinissamut aalajangersimasumillu sivisussuseqartumik kikkut pisinnaatitaaffeqarneri pillugit inuussutissarsiummik ingerlataqarnermut inatsit atuuttoq taamaallaat aalajangersakkanik imaqarpoq. Inuussutissarsiummik ingerlataqarnermut inatsit inuussutissarsiummik ingerlataqarnermut upternarsaatissanik tunniussaqarnissamik piumasaqaatinik inissitsiterinngilaq, aammattaarlu Inuussutissarsiummik ingerlataqarnermut inatsit malillugu nalunaarsuinernik ingerlatsisoqanngilaq.

Inuussutissarsiummik ingerlataqarnermut inatsit atuuttoq suliffeqarfiit ingerlanneqarnerinut piumasaqaateqanngilaq, taamatuttaarlu illuliornermik sanaartornermillu suliffigisani ilinniarfissanik pisariaqartitsinernik naapertuutsitsinissamik tapersersugaqarani.

Inuussutissarsiornermut inatsit imaqarpoq aalajangersakkanik niuernermik ingerlatsinermi aalajangersimasumik niuertarfegarnissamut, illoqarfiup qeqqani niuernermut, niuernermi ingerlatsisoqarnissamik, aamma neriniartarfinnut imaluunniit akunnittarfinnut ingerlatsinermi aalajangersimasumik najugaqarnissanut. Neriniartarfegarnermut aamma akunnittarfegarnermut aalajangersakkat ersarinnerusut nersutinik nioqquteqarnermut aamma sanaartornermut tunngasumik inatsisini aalajangersarneqarput.

Saniatigut Inuussutissarsiummik ingerlataqarnermut inatsimmi Kalaallit Nunaanni inuussutissarsiutinik ingerlataqarnermi inatsisini malittarisassiat ikittuaraannaapput. Inuussutissarsiummik ingerlataqarnermut inatsit Kalaallit Nunaanni inuussutissarsiutinik ingerlataqarsinnaanermik inatsisilersuivoq, inuussutissarsiutitulli suliat isumaginerannik erseqqinnerusumik inatsisilersuinani.

Inuussutissarsiornermut inatsit taamaasilluni sanaartornermut illuliortiternermullu suliassaqarfimmi ingerlatsinermi immikkut malittarisassanik aalajangersaanngilaq,

assersuutigalugulu Kalaallit Nunaanni sanaartornermi illuliortiternermilu suliffeqarfinnut ingerlatsisuuusunut pitsaassusissanut tunngasunik aalajangersagaqarani.

...Sulisitsisut ingerlaqqillutik nalunaarpaat inuussutissarsiornermut inatsit naligiimmik unammilleqatigiinnissamut aqqutissiuussinngitsoq, maanna ilusilerneqarnermisut aaqqissuussaatilluni suliffeqarfiiut nunanit allaneersut aalajangersimasumik maani ingerlatsiveqanngitsut sallutikkamigit.

Inuussutissarsiornermut inatsimmi atuuttumi Kalaallit Nunaanni adresseqarnissamut piumasaqaat naammassineqarsinnaavoq, suliffeqarfiiup nunani allamiup ingerlatseqatigiiffimmut immikkoortortamini aqtsisuusumik akunnermiliuttumik Selskabsstyrelsimit nalunaaruteqaannarneratigut, Inuussutissarsiutinut inatsimmi piumasarineqartunik naammassinnittumik.

Nunanit Avannarlerni, EU-p sinnerani, kiisalu Canadami USA-milu ingerlatseqatigiiffiit angerlarsimaffeqartut ullumikkut Kalaallit Nunaanni immikkoortortaqarfiliorsinnaapput. Nunarsuup sinnerani ingerlatseqatigiiffiit Danmarkimi Inuussutissarsiornermut ministeri tamatumunnga pisinnaatitsippat nunatsinni immikkoortortaqarfik aqqutigalugu suliffeqarfimmik ingerlatsisinhaapput. Taamaattumik inuussutissarsiummik ingerlataqarnermut inatsit atuttoq naapertorlugu nunanit allanit suliffeqarfiiut Kalaallit Nunaanni inissinnissamut pisinnaatitaaffeqarpuit, immikkoortortami pisortaqaaannarunik, Inuussutissarsiornermut inatsimmi piumasaqaatinik naammassinnittumik. Inuussutissarsiummik ingerlataqarnissamut inatsit naapertorlugu inuussutissarsiummik ingerlataqarnissamut pisinnaatitsisummik imaluunniit akuersisummik qinnuteqartoqassanngilaq, taamaattumillu assersuutigalugit, sumi angerlarsimaffeqarnermut, akileraarutitsigut arlariinni pisussaafeqarnissamik piumasaqarsinnaanermut aamma aningaasaliissutissanut tunngasunik piumasaqarsinnaanernut, akileraarnikinnerunissamut sillimmartaarutaasinnaasunik piumasaqaateqartoqarsinnaanngilaq.

Inuussutissarsiummik ingerlataqarnermut inatsimmi inatsisitigut piumasaqaatit naapertuutsinneqarpata suliffeqarfik nunatsinni suliffeqarfittut taasinnaalissaq, taamatut taaguuteqarneq nammineq imaqangikkaluartoq, Inuussutissarsiummik ingerlataqarnermut inatsisip piumasaqaataanik suliffeqarfiiup naammassinninera eqqaassanngikkaanni. Allanut atasumik aaqqissuussiniarnerni taamaattumik ajornakusoorsinnaavoq, assersuutigalugu aatsitassanut ikummatissanullu inatsit naapertorlugu akuersisummi piumasaqaatinik pilersitsiniarnissaq, inuussutissarsiornermut inatsimmi tamanna sanngiillisarneqareersimappat.

Aalajangersakkanut ataasiakkaanut tunngatillugu Sulisitsisut uingasunik naqinnilikkanik makkuninnga oqaaseqaateqarpuit:

§ 1 pillugu.

Inatsisip atortinneqarfigisaa Kalaallit Nunaanni inuussutissarsiuutnik ingerlataqarnernut tamanut tunngasuussasoq Sulisitsisut inassutigaat.

Inuussutissarsiummik ingerlataqarnermut inatsisip atuuttup Kalaallit Nunaanni inuussutissarsiummik ingerlatsisinnaaneq inatsisilersorpaa, inuussutissarsiuutnik sularisanik ingerlataqarnerpiaq erseqqinnerusumik inatsisilersornagu. Taamaalilluni Inuussutissarsiummik ingerlataqarnermut inatsit illuliornermik sanaartornermillu suliaqarfiusunut immikkut ittumik inatsilersuinernik imaqanngilaq, assersuutigalugulu Kalaallit Nunaanni illuliornermik sanaartornermillu suliassanik sulianik ingerlataqartutut suliffeqarfinnut pitsaassusissanik piumasaqaatinik inissitsiterinani.

Nalinginnaasumik ingerlatseqatigiiffinnut naatsorsuuserinermullu inatsisaasut saniatigut immikkut ittutut inatsisini inuussutissarsiorfiusunut assigiinngitsorpassuarnut malittarisassianik aalajangersaasoqarpoq. Assersuutitut makku taaneqarsinnaapput:

Kukkunersiuisut naalagaaffimmit akuerisat nalunaarsukkallu pillugit inatsit, aammalu kukkunersiinermik inuussutissarsiummik ingerlataqarnermut nalunaarutit malittarisassiallu arlalippassuit.

Kalaallit Nunaannut eqqartuussisoqarnermi sulinermut inatsimmi kapitali 5-imiippuit eqqartuussissuserisussanngortitaaneq pillugu, aammalu eqqartuussissuserisutut suliaqarneq pillugu aalajangersakkat.

Akunnitarfinnik Neriniartarfinnillu inuussutissarsiorfinnut pingaarutilimmik imigassanik aalakoornartortalinnik tunisaqarneq sassaalliisarnerlu pillugu immikkut ittumik Inatsisartut inatsiseqarput, ilangullugillu nerisassiornermut il.il. piumasaqaatit pillugit inuussutissanik nakkutilliinermik inatsisaasumi malittarisassiat.

Imarsiornermi assartuussisarneq Inuussutissarsiummik ingerlataqarnermut inatsimmissaaq ilaangilaq, imarsiornermulli inatsisaasuni annikitsortalersukkatut inatsisaasut naapertorlugit inatsisilersorneqarpoq, ilaatigut umiarsuit isumannaatsuunissaat pillugit inatsimmi, aammalu Kalaallit Nunaannut, tamaanngaaniit tamaanilu imartami assartuussisarnissamut akuersissutit pillugit inatsisaasumi ilaasunik.

Illuliornermik sanaartornermillu suliaqarfiusumi pisortanit sanaartukkat ilaatigut Sanaartornermi neqerooruteqartitsisarneq pillugu Inatsisartut inatsisaat nr. 11, 2. december 2009-meersumi inatsisilersugaapput. Ilinniarfiusut isumannaarnissaannut tamanna pillugu Sanaartornermi ilinniartoqartarneq pillugu Namminersorlutik Oqartussat nalunaarutaat nr. 10, 12. juli 2010-meersumi malittarisassianik aalajangersagaqarpoq.

Inuussutissarsiummik ingerlataqarnermut inatsit atuuttoq aalisarnermik
inuussutissarsiornermut atorneqanngilaq, taanna aalisarnermut inatsimmi aqunneqarmat

Inuussutissarsiorneq pillugu inatsit aatsitassanut ikummatissanullu suliniutini
atorneqanngilaq, tamanna aatsitassanut ikummatissanullu inatsimmi aqunneqarmat.

Inuussutissarsiorfiit ilaanni, assersuutigalugu eqqiaanermi immikkut inatsiseqarnissaq
pisariaqartinneqarsimanngilaq.

Taamaattumik inuussutissarsiutinik ingerlataqarnermut inatsisip atuuttup
atorunnaarsinneqarnerata kingunerissanngilaa inuussutissarsiutit assigiinngitsut
ingerlanneqarneranni inatsisitigut tunngaveerunneq.

§ 2 imm. 1 pillugu.

*Inatsisissatut siunnersuutip atortinneqarfissaat tassaavoq nioqqutissanik nalinginnaasunik
niuerneq. Tamanna isumaqarpoq nioqqutissanik nalinginnaasunik niuernermik ingerlatsisut
kisimik IIN-mi nalunaarsuiffimmut nalunaarsortittartut.*

Inuussutissarsiornermik ingerlatsiviit, ilaallutik suliffeqarfiiit nunanit allaneersut IIN-imi
nalunaarsuiffimmut nalunaarsugaanissamut pisussaapput. Tamanna Inuussutissarsiummik
Ingerlataqartunik Nalunaarsuiffik pillugu Inatsisartut inatsisaat nr. 10, 29. oktober 1999-
imeersumi § 5, imm. 1-imi, imm. § 3, najoqqutassaqarpoq. Nalunaarsugaanissamut
pisussaaffimmuinneq inatsimmi § 3, nr. 1-imi 2-milu najoqqutassaqarpoq, inuk sulisitsisuusoq
namminersorluniluunniit inuussutissarsiummik ingerlatsivik aamma inatsisit naapertorlugit
inuk imaluunniit inatsisit naapertorlugit inuup ingerlatsiviusup nunanit allaneersup
immikkoortortaa.

Kiisalu Aningaasarsianit akileraarutit aamma sulisoqarnermut akitsuutip akilersinneqartarneri
pillugit Namminersorlutik Oqartussat nalunaarutaat nr. 10, 20. september 2011-meersumi § 3,
imm. 1-imi, takuuk § 2, (sulisitsisut) IIN-normulerneqarnissaat.

Taamaattumik eqqortuunngilaq Sulisitsisut nalunaarmassuk nioqqutissanik nalinginnaasunik
niuertut taamaallaat IIN-imi nalunaarsorneqartartut.

§ 2 imm. 3 pillugu.

*Peqataasut sorliit IIN-normoqarnissamut pisussaaffeqannginnersut paassisallugu
soqutiginarsinnaavoq. Assigiinnassavaami akileraarutinik akiliinissamut
pisussaaffeqassannginnerat.*

Suliffeqarfiiit IIN-normuisigut Akileraartitsinermut Aqutsisoqarfiiup akileraarutit, akitsuutit
il.il. suliffeqarfinniit akilersugaaneri nalunaarsortarpai. Suliffeqarfik nalunaarsimanngippat,

aamma kaammattorneqarnermi kingorna IIN normumik qinnuteqanngippat Akileraartarnermut Aqutsisoqarfíup isumagissavaa suliffeqarfíup IIN-imi nalunaarsuiffimmut nalunaarsorneqarnissaa, eqqortumik akileraarutinut akitsuutinullu akiliutissinneqartarnissaa siunertalarugu. Tamanna aamma sivikitsumik Kalaallit Nunaanníttunut suliffeqarfínnut nunanit allaneersunut tunngavoq. Allatut oqaatigalugu suliffeqarfíit pineqartut Kalaallit Nunaanni akileraarutissaminnik akiliisinnaannginnerinik naatsorsuutigisaqarneq eqqortuunngilaq tunngavissaqaranilu.

Naatsorsuutigineqarpoq Sulisitsisut oqaaseqaataat aalajangersakkami naggammut kingullermut tunngasuunera, tassani allassimammat "Peqataasoq IIN-imi normumik peqarnissamik pisussaaffeqanngippat taamaallaat aqqa najugaalu allanneqassapput."

Niuerfinni assigisaaniluunniit peqataanermut atatillugu IIN-imi nalunaarsuiffimmut nalunaarsornissamut pisussaaffeqanngitsutut peqataasumut Inuussutissarsiummik Ingerlataqartunik Nalunaarsuiffik pillugu Inatsisartut inatsisaanni nr. 10, 29. oktober 1999-imeersumi § 3, nr. 1 malillugu inuk inuussutissarsiummik ingerlataqartuunngitsoq assersuutitut taaneqarsinnaavoq. Inuk taama ittoq niuerfimmi assigisaaniluunniit kaaviiartitanit akileraarutinik akiliisussaanera akileraartitsinermi inatsimmi nalinginnaasumik malittarisassiat malillugit aalajangiivigineqassaaq, ilaatigut ilangullugu nammineq pigisat tuninerinut tunngatillugu aningaasarsianit akileraarutit pillugit Inatsisartut inatsisaanni § 34, imm. 1, nr. 2-mi.

§ 2, imm. 3-mi siunnersuutigisatut ukiuni marlunni killissaliineq ukiunut tallimanut allangortinnejassasoq, taamaalillunilu naatsorsuutinik atortut toqqortarinerinut nalinginnaasumik killissaliuttakkamut naapertuutsinnejassasoq Aningaasaqarnermut Naalakkersuisoqarfíup siunnersuutigisimavaa.

Siunnersuummi aalajangersagaq § 2, imm. 3-mut tamatumunnga naapertuuttumik allangortinnejarpoq.

SIK-ip tusarniaanermi akissummini ilisimatitsissutigaa Kattuffik siunnersuummut oqaaseqaatissaqanngitsoq.

Mittarfinni nunanut allanut ukiumi piffissap ilaani killeqartunik attaveqarfílinni akitsuuserneqanngitsunik tunisisarnermut § 3 navianartorsiortitsissasoq Kommune Kujalliup oqaatigaa. § 3-mi tunissassiat taaneqartut tassaapput akitsuuserneqanngitsunik pisiniarfinni tunissassiat nalinginnaasut, taamaalillunilu piffissami qaammatit sisamat inorlugit annertussusilimmut nunanut allanut timmisartuussinerni attaveqarfílinni mittarfinni akitsuuserneqanngitsunik niuertoqarsinnaassannngilaq. Taamaalilluni Narsarsuarmi, juunip qeqqanit septembarip qeqqata akornanni nunanut tamalaanut attaveqarfílimmi mittarfímmi

akitsuusersugaanngitsunik pisiniarfiliortoqarsinnaananilu ingerlatsisoqarsinnaassanngilaq, tamannalu Kommune Kujallermit pissusissamisuunngitsutut isigineqarpoq. Taamaalilluni § 3-mi siunnersutigisatut aalajangersagaq inatsisisstatut siunnersuuterpiamut pingaarnerutitatut siunertamut akerliussaaq, tassaasumut unammillernermik, aamma namminersortuni tunisisiornermik siuarsaanissaq.

KANUKOKA-p tusarniaanermut akissummini Kommune Kujallermit oqaaseqaatit taperserpai.

Oqaaseqaatit naapigiarneqarput § 3, imm. 3-mik pilersitsinikkut, taamaalilluni imm. 1-im i aalajangersagaq nunanut allanut timmisartukkut attaveqarfilinni mittarfinni Akitsuusersugaanngitsunik (Taxfree) pisiniarfinni niuernermut atorneqassanani.

Qeqqata Kommunia siunnersuummut oqaaseqaatissaqanngilaq.

Siunnersummi aalajangersakkanut ataasiakkaanut nassuaatit

§ 1-imut

Inatsisartut inatsisaat namminersorluni inuussutissarsiummik ingerlataqarnermut atuuppoq. Inuussutissarsiummik ingerlataqarneq paasineqassaaq allanut sullissineq inuussutissarsiornermullu tunngasuulluni. Suliffeqarfiup inuussutissarsiornermut tunngasuusunera tassaavoq toqqaannartumik imaluunniit toqqaannartuunngitsumik aningaasaqarnikkut iluanaarnissamik siunertaqarneq. Inuinnaat ilaannikkuinnaq tunisaqartarnerat taaguummi pineqanngilaq.

Inatsisip atuuffissaat nioqqutissanik ataasiakkaanik tuniniaanermut killilerneqarpoq. Taamaallilluni nioqqutissanik ataasiakkaanik tuniniaasuunngitsunut inuussutissarsiorfippassuarnut inatsimmi najoqqutassat atuutinngillat. Amerlasuukkaalarluni tuniniaaneq inatsisissatut siunnersummi pineqartunut ilaangnilaq. Aammattaaq kiffartuussinernik tuniniaanerit ilaatinneqanngillat. Aalajangersakkami ataasiakkaanik tuniniaanerit suulluunniit pineqarput, apeqqutaanatik tuniniaaviugallartunit imaluunniit aalajangersimasumik tuniniaasarfinnit ingerlanneqarneri, aammalu apeqquaatinngu pisiniarfimmit, pisiniarfeeqqamit imaluunniit qamutinit sumiiffimmit sumiiffimmut ingerlaartartunit ingerlanneqarneri. Aammalu niuerfiusunit, saqqummersitsivinnit, nusitsivinnit timersornermillu unammisoqarfinni tuniniaanerit siunnersuutip atuuffissaani pineqartunut ilaapput. Tamanna aamma internettikkut niuernermut atuuppoq.

Piginneqatigiiffiit (brugsenit), suliarisaat avammut inuussutissarsiummik ingerlataqarnertut isikkoqartut, nalornissutiginagit inuussutissarsiummik suliffimmik ingerlataqartuusutut isigineqassapput, taamaattumillu inuussutissarsiummik ingerlataqartuusutut isigineqassallutik.

§ 2-mut

Imm. 1-imut

Aalajangersagaq malillugu inuussutissarsiummik ingerlataqartup niuertarfiup initaani IIN-imi normu, kiisalu inuussutissarsiummik ingerlataqartup aqqa najugaalu ersarissumik allallugit allagartaliisoqarsimanissaq qulakkiissavaa. Piginittusoq tassaappat ingerlatseqatigiiffik ingerlatseqatigiiffiup aqqaqnik angerlarsimaffittullu najugaanik allagartaliisoqassaaq. Najugaq nalunaarsugaasoq tassaavoq pisisup tamatigut naammagittaalliorssinnaassutsimink ingerlataqarfigisinnaasaa, aammattaarlu tunisiviugallartuusimasup matoreernerata kingornatigut.

Imm. 2-mut

Aalajangersakkamiippoq nittartakkanit ataasiakkaanik nioqqtissat tunisarinerini e-mailimik najukkap nalunaarsimanissaanik piumasaqaat, kiisalu tigussaasumik allakkanut najugarisinnaasamik, suliffeqarfik taama ittumik peqassappat. Aalajangersakkap niuertut, ataasiakkaanik tunisinerni atuisartusussat inuussutissarsiummik ingerlataqartumut pisinnaatitaaffimmink atuutitsiniarlutik attaveqarsinnaatitsissaq. Aalajangersagaq taamaallaat atuutissaq nioqqtissanik piviusumik tunisisoqarfiusumi, aammal qarasaasiakkut pituttuisutut pisiaqarnermik isumaqatigiissutip atugaalersinnaaffiani.

Imm. 3-mut

Aalajangersagaq malillugu niuerfimmi, saqqummersitsivimmi, nusitsivimmi imaluunniit timersortartut katerisimaarnerannik aaqqissuusoq, aaqqissuussinermi inuussutissarsiummik ingerlataqartut tamarmik atii, najugai aamma IIN-imi normui allallugit allattuiffiliorsimassaq. Atuisunut inatsimmi ukiunik marlunnik naammagittaalliorsinnaanissamut killiliussap iluani atuisup attaveqarfissanut paasissutissanik pissarsisinnaanissaa qulakteerniarlugu, aaqqissuussisup allattuiffik ukiuni marlunni paarissavaa. Allattuiffik piumasarineqarpat Atuisartut Unammilleqatigiinnermullu Aqutsisoqarfimmut tunniunneqassaaq.

§ 3-mut

Imm. 1-imut

Akitsuutinut inatsisaasunik nakkutilliinermut, kiisalu imigassamik aalakoornartortalimmik tuniniaanermi ammasarfinnut maleduagassat aamma tupanik imigassanillu aalakoornartortalinnik inuuusuttunut tuniniaanissamik inerteqquteqarnermut maleduagassat malinneqarnerisa nakkutigineqarnissaat eqqarsaatigalugu suliffeqarfik erseqqinnerusumik ataavartussatut iluseqassasoq pillugu piumasaqaateqarnissaq pisariaqartinneqarpoq.

Aalajangersagaq nioqqtissanik akitsuuserneqartussaasunik tunisinermut atuutissaq, tassani akitsuutinik akiliinngitsoortoqarsinnaaneranik sunniuteqarluartumik nakkutiginninnissamut suliffeqarfiup ataavartuunerusumik iluseqarnissaat pisariaqarluni. Taamaalilluni aalajangersakkani piumasaqaatigineqarpoq, tupanik nioqqtissiat, imigassat 1,21 procentimik annertunermillu aalakoornartortaqartut, tipigissaatit pinnersaatillu, imeruersaatit kiisalu sukkulaatinik sukkunillu nioqqtissiat, taamaallaat tuniniaasarfinit piffissami ataatsimoortumi minnerpaamik qaammatinik sisamanik sivilsussuseqartumi minnerpaamik sapaatip akunneranut ataasiarluni tuniniaaviusartunit tuniniarneqaqquaapput.

Imm. 2-mut

Taamaattorli nioqqtissanik imm. 1-imu pineqartunut ilaasunik niuerfinnik, saqqummersitsinernik, nusitsinernik aamma timersortartut katerisimaarnerannik

ingerlatsinermi tuniniaaneq piumasaqaammi tassani pineqartunut ilaanngilaq, tuniniaasut § 2, imm. 3 malillugu nalunaarsugaasimassammata. Aalajangersakkami taamaasilluni aaqqissuussanik immikkut ingerlatsinerit pineqarput. Taamaattumik qitiusumit aaqqissuussisuusumik peqassaaq, § 2, imm. 3 naapertorlugu aaqqissuussamik ingerlassaqartumik. Tassani aaqqissuussinerit sivikitsuinnarmik sivisussuseqarajuttut pineqarput. Taamaalilluni ilaatisinnginnej aamma nuannaffinnut aammalu tivolinut angalaavartunut atuuppoq, taakkununnga atatillugu ataasiakkaanik nioqqtissanik inuussutissarsiornermut tunngatillugu tunisaqarnerit aaqqissuunneqarneri niuffaffimmik ingerlataqarnertut nalunaarsugaasariaqarmata.

Imm. 3-mut

Ukiup ilaani piffissani aalajangersimasuinnarni nunanut allanut timmisartukkut attaveqarfilinni mittarfinni akitsuuserneqanngitsunik pisiniarfinni tunisinernut tunngatillugu imm. 1-imi piumasaqaat atortinneqanngilaq, tassani allassimammat piffissami ataqtigiiissumi minnerpaamik qaammatinik sisamanik sivisussuseqartumi minnerpaamik sapaatip akunneranut ataasialuni tunisisoqartassanera.

Aalajangersakkap assersuutigalugu Narsarsuarmi akitsuuserneqanngitsunik pisiniarfieu attassinnaatilerpaa, naak ukiumut piffissami qaammatit sisamat inorlugit nunanut allanut akuttoqatigiiissunik timmisartukkut attaveqartoqartalaruertoq.

§ 4-mut

Imm. 1-imut

Atuisartoqarnermut Unammilleqatigiinnermullu Aqutsisoqarfik siunnersuummi § 2-mik malinnitoqarneranik nakkutiliisuuvoq. Tamatumunnga patsisaasoq tassaavoq aalajangersagaq tamatigut pingaaruteqassutsimini atuisartunik illersuinissamik siunertaqarmat. Nakkutiliinissamut atugassatut immikkut ittunik pisussaaffinnik aalajangersaasoqarsimanngilaq, niuerfiginnittunut paassisutissat erseqqissumik pissarsiassaanerinik nakkutiliisarnerit ininut tamanut ammasuunngitsuusunut isersinnaanissamik piumasaqarfiunngimmata. Unioqqtitsinermik paasisaqarneri Aqutsisoqarfik politiinut unnerluusseqqusilluni qinnuteqarsinnaavoq.

Imm. 2-mut

Siunnersuummi § 3-p malinneqarneranik Akileraartarnermut Aqutsisoqarfik nakkutiliisuuvoq, taanna pingaarnertut akitsuuteqarnissamut pisussaaffiliikkatut nioqqtissat tunisarineranut tunngasummat. Aqutsisoqarfik eqqartuussivimmi aalajangiisoqanngikkaluartoq sukumiisumik kinaassutsimut uppernarsaammik takutitsinikkut nioqqtissanik tuniniaanermik ingerlatsiviusuni suliffeqarfieu iniutaani, biiliutaani assigisaannilu nakkutiliinermik suliaqarsinnaavoq. Tassunga aamma toqqorsiviugallartut ilaapput.

Imm. 3-mut

Imm. 3 malillugu piginnittooq imaluunniit inuit tassani suliffeqartuuusut nakkutilliinerit ingerlannerinut atatillugu oqartussaasunut pisariaqartumik ilitsersuillutilu ikuutissapput.

§ 5-imut

Imm. 1-imut

Aalajangersakkami pineqaatisiisoqarpoq § 2, imm. 1-mi aalajangersakkamik unioqqutitsinerni, taamalu ersarissumik atuisartunut allagartaliisoqartussaalluni IIN normu, ateq aamma najugaq pillugit, aalajangersagaq § 2, imm. 2. naapertorlugu, taamalu quppersakkamiit nioqqutseqarnerni e-mail adressimik nalunaarisooqartussaalluni, taamaattoqarpallu aamma allakkanut adresse-mik, kiisalu aalajangersaq § 2, imm. 3 naapertorlugu aaqqissuussinermi peqataasut tamarmik allassimaffiannik suliaqartoqartussaalluni.

Kiisalu § 3, imm. 1-imi unioqqutitsinerit, tunitsivimmit nioqqutit aalajangersimasut taamaallaat tunineqartarnissaannik, minnerpaamik qaammatinik sisamanik ataqtigiiissutut piffissami minnerpaamik sapaatip akunneranut ataasiartumik tunisisoqartarfiusumi tassani piumasaaqateqartoqarluni pineqaatisiissuteqarfiusinnaapput.

Imm. 2-mut

Pissutsit ingasannerusimappata akiligassap annertussusissaata naatsorsornerani tamatuma isiginiarneqarsinnaanera periarfissiivoq. Pissutsit ingasannerusimappata unioqqutitsinerit sakkortuppata imaluunniit unioqqutitsinerit arlaleriarlutik pisarsimappata.

§ 2-mik unioqqutitsinerut tunngatillugu assersuutigalugu nalinginnaasumik unioqqutitsineq sakkortussaaq nalunngikkaluarlugu paassisutissat kukkanut imaluunniit eqqunngitsut tunniunneqarsimappata, ilanggullugu inuussutissarsiummik ingerlataqartup allap aaqata aamma IIN-normuata atugarineri. Taamatuttaaq pissutsit ingasannerusimassapput unioqqutitsinerup atuisartut amerlanerusut annikigisassaangitsumik annaasaqarnerannik nassataqarsimappat, imaluunniit tamatumunnga qanittuusumik aarleqquteqartoqalissappat.

§ 3-mik unioqqutitsinerut tunngatillugu nalinginnaasumik pissutsit assersuutigalugu unioqqutitsinerit aaqqissuussaappata, imaluunniit qitiusumit ingerlanneqartunik aaqqissuussaappata, imaluunniit ataavartumik niuerfigisamit tunisisimannginneq tassaasimappat oqartussaasunit nakkutigineqarnissaq pinaveersimatinniarneqarsimappat, inatsisaasut sinnerinik unioqqutseriarternut atatillugu, ilanggullugit akileraarutinik akitsuutinillu akiliinaveersaarniarnerit.

Pissutsit sakkortusarneqarsimappata akiliisitsissutaasussap annertussusilernerata assigisinnaavaa naatsorsuutigineqartoq imaluunniit anguneqarsimasoq kaaviiartitsineq.

Imm. 3-mut

Aalajangersakkami inatsisit naapertorlugit inuk akiliisinneqarsinnaasut nalunaarneqarpoq.

Imm. 4-mut

Aalajangersakkami aalajangiunneqarpoq akiliisitsissutaasut nunatta karsianut akiliutigineqassasut.

§ 6-imut

Imm. 1-imut

Aalajangersagaq tassaavoq ikaarsaariarnermi maleruagassiaq, inuussutissarsiummik ingerlataqarnermut allagartaqarnissaq inatsisaasuni allani piumasaqaataappat, inuussutissarsiummik ingerlataqarnermut allagaqartaqarnermik aaqqissuussap atorneqarunnaareerfiani inatsisit atuuttut allat naapertorlugit qanoq atortiinnnarneqassanersoq, inuussutissarsiummut allagartaqartussaaneq atorunnaareersoq.

Aalajangersagaq inuussutissarsiummik ingerlataqarnermut inatsisit pisoqqat malillugit inuussutissarsiummik ingerlataqarnermut allagartaqarnerinnarmut tunngasuuvvoq. Inatsisaasut sinneri malillugit immikkut ittumik akuersissutinik imaluunniit pisinnaatisssutinik atugassiarineqartunut tunngatillugit allannguutinik nassataqanngilaq, taakku "inuussutissarsiummik ingerlataqarnermik allagartatut" taaguuteqarneri apeqqutaatinngagit.

Imm. 2-mut

Aalajangersagaq ikaarsaariarnermi aalajangersagaavoq, qanoq iliornikkut inuussutissarsiummut allagartartaarnissamut piumasaqaat naammassineqassanersoq pillugu, aalajangersakkat atuukkallarfiani, inatsisini allani naammassineqarsinnaaqquullugu, inuussutissarsiummut allagartaqarnissamut aaqqissuussineq atorunnaareersoq.

§ 7-imut

Imm. 1-imut

Inatsisartut inatsisaat 1. januar 2016-imi atuutilissaaq.

Imm. 2-mut

Kalaallit Nunaanni inuussutissarsiummik ingerlataqarneq pillugu Inatsisartut inatsisaat nr. 12, 12. november 2001-imeersoq. Inatsisartut inatsisaatigut nr. 5, 27. marts 2006-imeersukkut allannguiteqartinneqartoq tamatuma peqatigisaanik atorunnaarsinneqarpoq.